

ЛЕНИН ТУЙ ВЫЛЭТ

(По ленинскому пути)

Не йетшажык 400—500 гектарся комбайн вылэ

Очерскэй школаись велэтчиссезлэн—
комбайнеррезлэн письмо

ССР Союзлэн Совнарком постановч е н н ы н „1938 годся урожай дзимлялэм йылсь“ чёткэя мыччалэм эсь мероприятиез да средстваез, кэдна обеспечивайтэны уборка кежэ образцовэя готовитчэм, уборочнэй уджжез бура организуйтэм да максимумэ сжатэй сроккезэ сийэ чулэтэм.

Ми, Очерскэй школаись велэтчиссез комбайнеррез, готовитчамэ сы дьнэ, медбы комбайнерэ сувтэтэм бэрын, нуэтны машинаезсэ колхознэй ыббез вылэ и исползуйтны комбайн'езсэ стахановскэя.

Миян 180 ёрт кончитисэни школасэ, мувисэ асланы с машинно-тракторнэй станцияезэ и кутчисэ удж бердэ. Выдэныс ния л'едзалэм испытаннэез коста полувитисэ комбайнеррезлэсь званнэез. 86 процентны коласись сетисэ „хорошо“ вылэ да „отлично“ вылэ и некивлэн абу недовлетворительнэй оценканыс.

Школаись, кытэн ми велэтчамэ, велэтэмсэ бура сувтэтэм понда полувитисэ таво мэдэдз Всесоюзнэй премия. Уджалисэ с э л э н быдэс коллективныс, школаись преподавателлэз да велэтчиссез пессьэны сы понда, медбы велэтчэмсэ организуйтны ешэ буржыка.

Быдыс миян коласись, выпускниккез-комбайн'еррезись, босьтэ ас вылас обязательство дзимлявны комбайн вылэ сезон коста 400—500 гектарся не йетшажык.

Занятэйсэ велэтчэмэн, ми энй огэ имейтэ возможность непосредственнэя участуйтны уборка кежэ готовитчан уджын. Но ми получайтамэ сообщеннэез, миян МТС-езись письмосэ, и этна письмосэ вызывайтэны тревога. Машинно-тракторнэй станцияезись мукэд руководителлэз ешэ езэ примитэ мераез сы дьнэ, медбы обеспечитны ыббез вылын комбайн'езлись

вылын производительносться удж понда быдэс условияез. Комбайн'ез ремонтируйтэмыс организуйтэм умэля. Комбайновэй уборка понда участоккез абу бэрйэмасть и озе готовитсэ, машинаез обслуживайтэм понда кадрез абу закрепитэмасть.

Миян отличница ёрт А. И. Белоногова велэтчэм кончитэм бэрын мунис уджавны Больше-Усинскэй МТС-э. Сия миянлэ гижэ комбайн'ез ремонтруйтэм вылын безобразяез йылсь. МТС-ись механик распорядитчис сувтэты ремонтнэй машинаезэ негоднэй деталлэз. Комбайнеррез пондлэ протестуйтны, но сия вылэ грубэя заявитисэ:

—Эта не тиян дело, керэ сийэ, мый тиянлэ байтэны. Важнейшэй уджын—машинаез готовитэмын безответственнэй отношеннэен подобнэй фактт'ез, кыдэ ния энй озе лоз изжытэйсь, уборка лунн'езэ сетасэ вреднэй результатт'ез. Ния вайэтасэ машинаезсэ аварияз, простоййезэ, уборка кыскэм дьнэ.

МТС-езись быд руководителсынь, агрономсынь, механиксынь требуйтсэя уборка кежэ ыджыт организаторскэй удж, тщательнэя быд участок проверайтэм. Сысынь, кыдэ ния организуйтасэ социалистическэй соревнованнэ комбайнеррезлись трактористт'езлись да колхозниккезлись, пондас зависитны уборкалан успех. И ми обрацайтчамэ МТС-езись руководителлэз дьнэ, агрономмез дьнэ да механиккез дьнэ, быд колхозись председателл'ез дьнэ призывэн организуйтны да паськэты предуборочнэй социалистическэй соревнованнэ.

Миян коласись быдэс сочэ кжеланнэен овладейтны техникаэн, уджавны стахановскэй методд'езэн и обеспечитны богатэй урожай дзимлялэмсэ самэй сжатэй сроккезэ, эштытэг. (быдэсыс 38 подпись)

Уборка кежэ лэсьэтчэм йылисэ окружнэй совещаннэ

Июль 7 лунэ о с с и с ВКП(б) райкоммезись секретаррезлэн, райисполкоммезись председателлэзлэн, райзоэсись заведущэййезлэн, машинно-тракторнэй станцияезись директоррезлэн да ны заместителлэзлэн окружнэй совещаннэ уборочнэй кампания кежэ лэсьэтчэм йылисэ вопросэн.

Совещаннэ о с ь т и к э ВКП(б) окружкомись первэй секретарь ёрт Галайдин совещаннэ вылын участуйтиссезэс корис, медбы лэчыт критика да самокритика развернитэман выявитны урожай дзимлялэм кежэ лэсьэтчэм-лись быдэс недочётт'ез. Но

районн'езянь докладчиккез совершенно вунэтисэ нето сознательнэя орддисэ критикасэ да самокритикасэ асланыс выступленнэезын.

Кудымкарскэй машинно-тракторнэй станцияись директор ёрт Симкачев, Кочевскэй МТС-ись директор Под'янов да с'етчинись-жэ райзоись заведущэй ёрт Бурлаков быдэс ассинныс докладд'ез керисэ с'етшэм кыввезэн, што урожай дзимлялэм кежэ готовитчэм преступнэя умэля мунэ токо сийэн, мыля абуэсь машинаез понда запаснэй часттез, но этик кывэн эзэ горэтчэ, а кыдз-жэ ния

мобилизуйтэны ассинныс позянн'ез, кэдна емэсь не йетша.

Позьэ-ли Кудымкарскэй да Кочевскэй МТС-лись удж пуктыны удовлетворительнэйэн, кэр Кудымкарскэй МТС аслаз трактористт'езлэ зарплата абу мынтэм 4 мисеч пондани 150 тысека руб гэгэр, а Кочевскэй МТС-ись дирекциясынь бездушнэя относитчэмсянь 15 тракторист мунэмасть уджись и энй некинэс пуксыэтны не трактор вылэ не комбайн вылэ.

Тэн—июль 8 лунэ совещаннэ вылын мунисэ пренияез.

КЫДЗ МУНЭ СЕНОКОС

Округ пасьта июль 6 лун кежэ ытшкэм 1566 гектар. Юсьвинскэй район ытшкис 1020 гектар, Кочевскэй район—313 гектар, Кудымкарскэй район—123 гектар да Косинскэй район—50 гектар. Юсьвинскэй районись мукэд колхоз'ез керисэ-ни турун зородд'ез.

Кудымкарскэй районись Кузьвинскэй сельсоветись колхоз'ез турун ытшкисэ 150 гектар вылисэ, Деминскэй сельсоветись колхоз'ез—141 гектар вылисэ да Сервинскэй сельсоветись колхоз'ез—121 гектар вылисэ.

Совершенно слабэя развертывайтэ сенокос Гайнскэй да Юрлинскэй районн'езын. Слабэя сенокос му-

не Кудымкарскэй районись В-Иньвинскэй сельсоветись колхоз'езын. Июль 6 лун кежэ вэли ытшкэм токо 18 гектар. Почти совсем сенокос кежэ ез-на кутчывлэ Верховскэй сельсоветись колхоз'ез.

Кудымкарскэй поселковэй советись колхоз'ез турун ытшкисэ 60 гектар вылисэ. Самэй Кудымкарын Нагорскэй колхоз (колхозись председатель Под'янов) ытшкис токо 6 гектар. Эта колхозись этик бригада сенокос вылэ ез-на петав. Степановскэй колхоз (колхозись председатель Хозяшев) ытшкис токо 3 гектар.

Сенокос разгарын... Ена лунн'ез рещайтэны социалистическэй подались тэв-

ся судьбаез. Ена лунн'езэ колхозниккез петисэ видзез вылэ. Мунэ радостнэй счтстливэй удж. Партийнэй да советскэй организацияезлэн задача: возглавитны колхозниккезлись да колхозницаезлись производственинэй активностяез. Пропаганда да агитация удж энй колэ сувтэты колхознэй видзез вылын, станнэезын, с'етчин, кытэн уджалэны колхозниккез.

Отэнжык паськэтыны социалистическэй соревнованнэ сенокос план тыртэм понда, пода тэв кежэ вердчанэн обеспечитэм понда.

Колэ бэрэ кольччиссезэс вайэтны одзын муниссез уровеннэдз.

КЕРНЫ БУР КАЧЕСТВОА ТУРУН

Презреннэй троцкистско-бухаринскэй агентт'ез, кэдня пукалисэ миян округись земельнэй органн'езын старайтчисэ керны подалэ бескормица. Уна фермаезын вердчан ез тырмывлэ. Вредительскэя ножэтчывлисэ сенокос сроккез. Мукэд колхоз'езын 30 гектарэн да унажыкэн кольччывлисэ ытшкытэм видзез.

Энй как раз сенокос кад. Колэ тьермасыны, ниянь уборка пондэтчытэдз тыртны сенокос план, но миян округись уна колхоз'ез видзез вылэ ез-на петэ.

Быд колхоз одзын сулалэ задача: организованнэя чулэтны сенокос, соблюдайтны турун керан правилоез. Эта годэ емэсь быдэс позянн'ез, медбы сенокос чулэтны образцовэя. Миян округ таво турунсэ должен керны 77 тысека гектар вылисэ да засилосуйтны силос 14 тысека тонн. Эта плансэ позьэ не токо выполнитны, но и перевыполнитны.

Правило сьэрти ытшкисыны колэ пондэтчыны с'ек, кэр турунн'ез унажыка пондасэ цветитны. Энй самэй сия кадис. Турунн'ез цветитикэ керэм турунлэн качество лоз медбур. Колэ торйэн турунн'ез цветитэдз керны уборка молодняк понда—куканнез понда да порсыпянн'ез понда, ета кадын расстеннэезын емэсь уна витаминн'ез, кэдна эддэн колэны том быдмись подалэ.

Колэ пессьыны турун потеряезкэт. Колэ лажмытика ытшкыны турун почва вевдэрэт. Ыджыт значеннэ имейтэ аскадэ турун куртэм. Дырка не куртны ытшкэм турунсэ, дак лэны ыджыт

потеряез, особенно жугалэны да киссьэны турункэн листт'ез, кэдна турунны являйтчыны самэй питательнэй торрезэн. Самэй бур срокын турун косьтэмэн лоз этик лун. Турунсэ основнэй косьтэмыс должен лоны лёдзезын, а кэр ковсэя дак и колэ окончательнэя косьтыны турун юррезын (копнаезын).

Турун зородд'ез т'ечикэ колэ тэдны с'етшэм положеннэ, што турун ешэ портитчэ йетшажык с'ек, кэр зородд'ез течсыэны гырисьжыкэсь. Турун зородд'езлэн медбур размеррезэн лоны с'етшэмэсь: 7—8 метра сувда, 5—6 метра пасьта да 15—20 метр кузя.

Турун зородд'ез керан удж (зород тьечэм) колэ организуйтны сидз, медбы ез вэв разрыв турун ытшкэмын да зородалэмын. Турун дзимлялан удж позьэ лыддыны завершитэман токо с'ек, кэр быдэс туруныс лоас эктэм этлаэ турун хранитан местаэ да заприходуйтэмэсь быдэс турун зородд'ез колхоз правленнэен. Ушкова

Лунванын урожай дзимлялэм

Колхоз'езэн ытшкэм 792 тысека га.

Союзись лунванись быдлаын пондэтчисэ озимовэй массовэй уборка. Рудзэг лоис быдсэн Украина пасьта. Краснодарскэй и Орджоникидзевскэй краййезын, Сталинградскэй да Ростовскэй областтезись южнэй районн'езын, Крымны и Украинаись юговостокын развертывайтчэ озимовэй шогдлэн уборка. Югын лоис бур урожай. Пожалуй быдлаын сия имей-

тэ бур оценка, а уна колхоз'езын—отличнэйэ.

Приступитисэ колосовэййез ытшкэмэ Южно-Казахстанскэй, Алма-Атинскэй, Оренбургскэй и Саратовскэй областтезись да Поволжья Немецезлэн республикаись колхоз'ез.

Июнь 30-эт лун кежэ ытшкэм сыис 792 тысека гектар мымда.

Повдэтчаны и лоны ослэвэй сьез. Орджоникидзев-

скэй да Краснодарскэй краййезын, Ростовскэй да Сталинградскэй областтезись осяовэй ид локтисэ восковэй лозмэдз, а шогдй да зэр пырисэ йэва лозмэ фазаэ. Приступитисэ осяовэй ид уборка бердэ Николаевскэй областись южнэй районн'езын.

Осяовэй кэдзэмме лунвылын преимущественно состояннэын.

ТАСС

Рубеж сайын

Китайскэй авиациялэн блестящэй победа

Вэтьэмась японскэй военнэй судноез 9.

Ханькоу, июль 4-эт лун (ТАСС).

Июль 3-эт лунэ китайскэй самолётт'ез подвергнитисэ бомбардировка э японскэй флот, кэда сконцентрируйтэм Янцзы йю вылын, и вэти сё к у и м ы д ж ы т военнэй судноез Дунлю районун. Талунся лун знаменуйтчис китайскэй авиациялэн виль победаэн. Аньцина районун китайскэй самолётт'ез вэти сё

японскэй военнэй судноез 5 и этикэ авианосец. Авианосец л'ебзын площадька в ы л и с ь самолётт'ез 5 вэли сё у н и ч т о ж и тэмась этилаын авианосецкэт. Японскэй „армада“, кэда состоитэ 50 военнэй судноезись, кэда находитчис Сянкоу и Матан коласын, китайскэй авиация рейдд'езэн повзёмсянь, кывтис доль ва кузя.

Военнэй действияез Китайын

(Ханькоусянь ТАСС-ись корреспондентт'ез сообщеннэ съэрти, Шанхайын, да Лондонун июль 5 лунся).

Центральнэй Китайын

Пынцзэ районун пасьякалэм боййезын (Матансянь юглань) китайскэй войскаез ордчэн успешнэй контрударезкэт керисэ японецезлэ серьезнэй пораженнэез. Команднэй высотаез, кэдна унаисьни подвергайтчывли сё атакаез японскэй войскаез сторонасянь, одза моз находитчын китаецез кнезын. Японскэй часттезлэн югэ вешшэм сідз-жэ сувтэтэм. Этик лунэн боййезын Пынцзэ районун японецез эптисэ вийэмезэн 400 мортя унажык. Документт'ез съэрти, кэдне адзисе вийэм японскэй офицер дынись, установитэм, што Матана районун дейстуйтэ японскэй войскаезлэн этик сорлалэм бригада. Ыджыт количество трофейез коласын, кэдна мырддэмась японецезли сь, эмэсь уна слезоточивэй бомбаез.

Сильнэй бомбардировкаэ вэли подвергнитэм город Хукоу (Цзянсинлэн ойвывся частьс). Город вылэ вэли чапкэм 20 бомбася уна-

жык. Китайскэй самолётт'ез вили сь бомбардуйтисэ Янцзы йю выли сь японскэй военнэй корабллезсэ. Бомбардировкаэ подвергнитчисэ сідз-жэ йю районун японскэй войскаезлэн эхсьэмез.

Севернэй Китайын

Июнь 4-эт лунэ японецез керисэ воздушнэй налёт Лоян город вылэ (Чжэнчжоусянь рьтланьынжык). 11 японскэй самолёт бомбардировка коста 5 часэн чапкисэ 135 бомба. Разрушитэм 290 керку. 94 вийэм коласын уна эмэсь женскэййез да челядь. Емэсь сідз-жэ раневэййез.

Шанси провинцияись югозападнэй частын китайскэй войскаез вэшетисэ японецезсэ Аньись да Юньчэнись. Японскэй войскаезлэн остатоккез порядкэт отступитисэ ой вылэ Датун-Пучжоускэй кэртөөн туй пэлэн. Эта районун китаецез босытисэ японецезли сь ыджыт количество военнэй снаряженнэ.

Видзэтны Верховскэй колхоз

Верховскэй сельсоветись Верховскэй колхоз 1937 годын кэзис клевер, кэда эння кадэдз ола йэрйытэг, и эннэ сйя быдэс пондис травитчыны. А бригадир Третьяков оз и думайт ета п о т р а в а й ы л и с ь, оз думайт этча керны йэр. Йэр керны вэли назначитэм бригадирлэн сват, кэда йэрсэ ез кер совсем, а бригадир Третьяков сылэ весь т'ечлис уджлунн'ез. Сйя гижлэ весь уджлунн'ез и с'етшэмезлэ, кэдна сйяэ юкталэны винаэн.

Сідз-жэ колхозниккез порссезэн быдэс травитчис шогдй шором, кытись бысюис усис центнер 15. А эннэ, кэр вартисэ травитчэм барас-ни, то усис токо 3 пуд. Емэсь еше и с'етшэм недостатоккез: тавося годын 1-эт бригада кэзис не быдэсэн план съэрти. Аркежэ колисэ кэзис сюрдзэг вятка 30 центнер, кэда тшыкис да эннэ пондис сисымыны.

Колхозниккез

Кытчэдз лоасэ с'етшэм безобраззёес?

Бормотовскэй сливочнэй отделеннэись заведующей Кудымова А. Т. растранижайтэ социалистическэй собственности. Кудымова отделеннэись висэ вежлис мануфактура вылэ. Колхозниккезли сь, кэдна ваялэны отделеннэ йэвсэ, йэвли сь жирностьсэ ез видзэтлы. Примитис сідз, кыдз кинли сь шедас.

Например, июнь 9-эт лунэ заготовка вылэ вайлисэ 10 метра мануфактура, кэ-

да ез окажитчы не кытэн. А отделеннэись заведующей Кудымова сыбарын аслыс вурис платье.

Сливочнэй отделеннэись возчик Казаринов Д. И. керэ сідз-жэ, кыдз и Кудымоваись.

Лавкаись вузасись Мальцева мануфактура да мэдик товаррез пыр вузалэ токо знакомйезлэ да родственниккезлэ, а мэдиккезлэ нем абу.

Колхозниккез

Велэтчыны и уджавны отлично вылэ

Ме поступити Кудымкарскэй вэрттехникумэ этик мысльэн—лоны специалистэн—транспортникэн. Первэй годэ ме велэтчи не эддэн бура: биология кузя менам вэли отметка уд, мэдик предметт'ез кузя—хорошо да токо кык предмет кузя получити отличнэй отметкаез. Мэдик годын ме серьезнэя кутчи велэтчэм бердэ. 13 предметись 7 предмет кузя менам вэли сь отметкаез—хорошо. Удд'ез кольччисэ барэ-ни. Эта кадсянь ме нийэ ег-ни адззывлы.

Достигнутэй успехез вылын ме ег сувтчы. Да и эта кадэ ме вэли комсомольскэй комитетись секретарьэн. Ме должен вэли, кыдз комсомолец, кыдз комсомольскэй организациясь руководитель, мунны одзын, велэтчыны токо отлично да хорошо вылэ. С'етшэм задача и ме сувтэти ас одзын. Куимэт куры вылын быд предмет кузяме добитчи отметкаез: отлично.

1937 годын декабрь мисечын менэ б э р ы и с э ВЛКСМ РК бюроэ членэн. Ме напористэя лэсэятчи зачетт'ез коста дипломнэй удж защищайтэм кержэ. Теория нельэт курс понда ме сеті нель предмет кузя отлично вылэ да кык предмет кузя хорошо вылэ. Дипломнэй удж ме защитити отлично вылэ.

Нель годэн ми изучитим геодезия, автотракторнэй дело, строительнэй дело, вэрли сь транспорт и сідз одз. Кытшэм обширнэй материал сетэ вэрттехникум! Эннэ ме бура тада быд геодезическэй инструментт'ез, бура нийэн владеита и верма керны быдкодэ геодезическэй с'емкаез. Ме тада автомобиллезли сь удж, верма керны расчэтт'ез и составитны проектт'ез искусственнэй сооруженнэез вылэ. Верма уджавны быдкодэ транспортнэй туййез вылын—изысканнэез вы-

лын, строительство вылын, эксплуатация вылын и сідз одзлань.

Токо СССР-ын, сталинскэй Конституция съэрти, быд гражданин вермэ полужитны среднэй да высшэй образованнэ. Одзык эта йыли сь ез позь и думайтны. Эннэ ме советскэй специалист — вэрттехник-транспортник!

Вэрпромышленность находитчэ ыджыт прорывын. Вэрпромышленностьсэ прорывись петкэтэмын ыджыт задача сулалэ м и я н о д з ы н—специалистт'ез одзын. Ме, кыдз вэрттехник быдэс сетэ ассим знаннэезсэ вэрпромышленностьсэ. Вэрын понда уджавны сідз, медбы меным висьталисэ: отлично!

Ме кора велэтчиссезсэ. Кэдня кончитисэ таво небыдса шэрэт школаез поступитны вэрттехникумезэ, медбы петкэтны вэрпромышленностьсэ народнэй хозяйствонн одзись шеренгаэ.

М. В. ГАИНЦЕВ

Планн'ез долженэсь лоны тыртэмэсь

Кудымкарскэй промысловэй артель „Вэркыскалэс“ должен обслуживайтны песэн учрежденнэез, организациясэ да уджалиссезсэ Кудымкар посёлонись. Артельлэ облеспромсоюзсянь сетсэны заготовка да кыскалан планн'ез. Эта годэ „Вэркыскалэс“ артель должен заготовитны 5000 фесметра да кыскалы 9 тысяча фесметра вэр. Етысся артельлэ сетэм план и лесохимия кузя, кыдз-то шом сотэм, пихтоварение да смола керэм. Облеспромсоюзли сь сетэм планн'ез Кудымкарскэй „Вэркыскалэс“ артельлэн оз тыртчэ. Ны тыртэм понда артели сь руководителлэ оз пессэ. Сідз босыны-кэ заготовка, то план туйэ керавны 3 тысяча фесметра—кералэм токо 1270 фесметра, 5 тысяча фесметра туйэ план съэр-

ти, кыскэм первэй кварталын 4673 фесметра.

Эддэн умэля тыртсэны планн'ез и лесохимия кузя. Первэй кварталын должен вэли сотэм дас тона шом. Но эння кадэдз абу сотэм и этик килограмм. Абу тыртэм план и пихтовареннэй кузя. 4 тонна туйэ керэм токо 3193 килограмм.

Артельлэн оз тыртсэ планн'ез сідз-жэ и смола кузя, скипидар кузя, шом кузя (мыррезись) и сідз одз. Бондарнэй дело сідз-жэ кольччэ—планн'ез оз выполняйтчэ. Артель должен вэли керны эта кад коста 150 открытэй посуде—керэм-жэ токо 15.

„Вэркыскалэс“ артель заключитись учрежденнэезкэт да организациясэ кэт договоррез несэн обслуживайтэм вылэ. Сідз заключитэм договоррез съэрти

вэркыскалэс должен вэли вайны нянзаводлэ кык тысяча фесметра пес, а вайисэ токо 800 фесметра, медицинскэй техникумлэ 1500 фесметра, а вайисэ—1300, сельхозтехникумлэ 1000 фесметра—вайис токо 100 гэгэр.

Сідз-жэ колэ и висьтавыны, што артельын оз нуэтчы не кытшэм массово-раз'яснительнэй да воспитательнэй удж. Артельын списоккез съэрти лыддиссэны 150 морт членн'ез, ныись уджалэны-жэ производство вылын токо 35 морт.

Быдэс эта байтэ сй йыли сь, што „Вэркыскалэс“ артель уджэн районнэй организациясэ оз интересуйтчэ. Удж „Вэркыскалэс“ артельлэн должен лоны мэдкодэсэятэм.

Сувтэтны окрпотребсоюзын порядок

Облпотребсоюз а с л а с медбар'я постановленнэын висьталис, што мэдэдз кварталэс остатоккез учиты вайтикэ не кытшэм торговляын ез л'едз не кытшэм разрыв, организуйтны бесперебойнэя товар л'едзэм. Но не сідз сулалэ делонис Окрпотребсоюз складд'езын.

Вот факт. Июнь 29 лунэ ми получитимэ товар, не кыдз ез вэв автомашина, то ковсис товарсэ кольны

складд'ез оградаэ и кошшыны автомашина. Июль 1 лунэ ме локти машинаэн, но дежурнэй сторож менэ оградаэ ез л'едз, а пондис тшыктыны керны Хусайновсянь разрешеннэ. Муннэ Хусайнов дынэ, но сйя менам обращеннэ вылэ видзис ответ: „Ми талун тйянкэт огэ байтэ“. Сыбарын, кыдз не кыдз, гижис, но ез л'едз пырны оградаэ бара сторож и ковсис мянлэ 50 килограмма ящик-

кезсэ новйыны вывтын 80 метра ылына, чапкавны грузсэ эшынат.

Етасянь машинаись сулалэс весь часся унажык. А мукэд клиентт'ез мунисэ товартэг, мыйсянь колхозниккез и быдэс уджалиссез кольччисэ колана товартэг.

Кытчэдз пондас Окрпотребсоюз тормозитны советскэй торговляын? Кэр сы работниккез коласын лоас большевикскэй порядок?

Щербинин, Шолгин

Врид. отв. редактора
Е. Ф. Мехоношин

ОБ'ЯВЛЕНИЕ

Кудымкарскому ресторану требуются: сто-рожа, за в х о з, слесарь, конюха, официантки, рабочие при складе. Обращаться в дирекцию ресторана.

Дирекция

Семусhev